

ლანჩხუთის მუნიციპალიტეტის საკრებულოს
„იურიდიულ საკითხთა და ეთიკის“ კომისიის
სხდომის ოქმი N 6

ქ. ლანჩხუთი

22.05.2023 წელი

16:00 საათი

სხდომას უძღვებოდა: „იურიდიულ საკითხთა და ეთიკის“ კომისიის თავმჯდომარე, გიორგი ხელაძე.

სხდომას ესწრებოდნენ კომისიის წევრები: ია მოქია, ნინო მშვიდლობაძე, დარეჯან ბურჭულაძე, მაკა მშვიდლობაძე, კარლო წილოსანი.

სხდომას არ ესწრებოდა: კახაბერ ასკურავა - საპატიო მიზეზით.

სხდომას ასევე ესწრებოდნენ მოწვეული სტუმრები: ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსი **ირაკლი ხუხუნიაშვილი**, საკრებულოს აპარატის მესამე რანგის პირველი კატეგორიის უფროსი სპეციალისტი იურიდიულ საკითხებში **რუსუდან გვარჯალაძე**, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში: **ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ნინო ჭანტურიშვილი**.

სხდომის თავმჯდომარემ, გიორგი ხელაძემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი:

1. „ლანჩხუთის მუნიციპალიტეტის საკუთრებაში არსებული უძრავი ქონების სარგებლობის უფლებით მიმღები პირების, ხელშეკრულებით ნაკისრი ვალდებულებების დარღვევისათვის დაკისრებული პირგასამტეხლოსგან გათავისუფლებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: გიორგი ხელაძე/

2. „ლანჩხუთის მუნიციპალიტეტის ლესის ადმინისტრაციულ ერთეულში არსებული ცენტრალური ქუჩისთვის სერგო ჯორბენაძის სახელის მინიჭების შესახებ“.

/მომხსენებელი: გიორგი ხელაძე/

3. „ლანჩხუთის მუნიციპალიტეტის აკეთის ადმინისტრაციული ერთეულის სსიპ აკეთის საჯარო სკოლისთვის ზაზა ჩხაიძის სახელის მინიჭების შესახებ“.

/მომხსენებელი: გიორგი ხელაძე/

4. „ლანჩხუთის მუნიციპალიტეტის ნიგვზიანის ადმინისტრაციულ ერთეულში არსებული ქუჩისთვის ამბროსი აფხაზავას სახელის მინიჭების შესახებ“.

/მომხსენებელი: გიორგი ხელაძე/

5. სხვადასხვა.

კომისიის თავმჯდომარემ, გიორგი ხელაძემ კენჭი უყარა დღის წესრიგის პროექტს.

მომხრე 6; წინააღმდეგი არც ერთი.

დღის წესრიგის პირველი საკითხი: „ლანჩხუთის მუნიციპალიტეტის საკუთრებაში არსებული უძრავი ქონების სარგებლობის უფლებით მიმღები პირების, ხელშეკრულებით ნაკისრი ვალდებულებების დარღვევისათვის დაკისრებული პირგასამტეხლოსგან გათავისუფლებაზე მერისთვის თანხმობის მიცემის შესახებ“ ისაუბრა ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსმა **ირაკლი ხუბუნაიშვილმა** და აღნიშნა, რომ ლანჩხუთის მუნიციპალიტეტის მერიას, სხვადასხვა პერიოდში, ერთი და იგივე შინაარსობრივი განცხადებით, წერილობით მომართა ლანჩხუთის მუნიციპალიტეტის საკუთრებაში არსებული უძრავი ქონების სარგებლობის უფლებით მიმღებმა პირებმა, რომლებმაც - ლანჩხუთის მუნიციპალიტეტის მერიასთან გაფორმებული ხელშეკრულებებით ნაკისრი ვალდებულებების დარღვევის, კერძოდ სარგებლობის ქირის საფასურის გადაუხდელობის გამო, ითხოვეს მუნიციპალიტეტის მერიის მიერ, დაკისრებული პირგასამტეხლოსგან გათავისუფლება. საქართველოს მთავრობის 2014 წლის 8 დეკემბრის 33-ე მუხლის მე-5 პუნქტების შესაბამისად, მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით, უფლებამოსილია, გადაწყვიტოს ხელშეკრულებით ნაკისრი ვალდებულებების დარღვევისთვის დაკისრებული/ დასაკისრებელი პირგასამტეხლოსგან განთავისუფლების საკითხი, აგრეთვე, მართვის უფლებით გადაცემული მუნიციპალიტეტის ქონების მიმღების ამ ქონებასთან დაკავშირებული პირობის შესრულების ვალდებულებისგან გათავისუფლების საკითხი,

გარდა ფინანსური და საინვესტიციო ვალდებულებების შესრულებასთან დაკავშირებული პირობებისა, ამ მუხლის მე-6 პუნქტის შესაბამისად თბილისის მუნიციპალიტეტისათვის დადგენილი გამონაკლისის გათვალისწინებით. აღნიშნული ნორმის საფუძველზე, ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახური მიზანშეწონილად მიიჩნევს რომ, ლანჩხუთის მუნიციპალიტეტის საკუთრებაში არსებული უძრავი ქონების სარგებლობის უფლებით მიმღები ზემოაღნიშნული პირები, ლანჩხუთის მუნიციპალიტეტის საკრებულოს თანხმობის შემთხვევაში, გათავისუფლდნენ ხელშეკრულებით ნაკისრი ვალდებულებების დარღვევისთვის დაკისრებული პირგასამტეხლოსგან.

გიორგი ხელაძე დაინტერესდა, რამდენად ობიექტურად მიაჩნია ქონების მართვისა და სოფლის მეურნეობის სამსახურის უფროსს საურავის მოხსნა და ეთანხმება თუ არა აღნიშნული პროექტის დადებითად გადაწყვეტას, რაზეც **ირაკლი ხუბუნაიშვილმა** განაცხადა, რომ რა თქმა უნდა ეთანხმება, რადგანაც საურავი ბევრად უფრო აღემატება ძირ თანხას და გადასახდელი თანხა ყველა პიროვნებაზე ინდივიდუალურია.

განკარგულების პროექტი კომისიის წევრების მიერ მიღებული იქნა შენიშვნების გარეშე.

კომისიის თავმჯდომარემ კენჭი უყარა განკარგულების პროექტს.

მომხრე 6; წინააღმდეგი არც ერთი.

დღის წესრიგის მეორე საკითხი: „ლანჩხუთის მუნიციპალიტეტის ლესის ადმინისტრაციულ ერთეულში არსებული ცენტრალური ქუჩისთვის სერგო ჯორბენაძის სახელის მინიჭების შესახებ“ საკითხი სხდომას გააცნო ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის თავმჯდომარემ **გიორგი ხელაძემ** და აღნიშნა, რომ ლანჩხუთის მუნიციპალიტეტის საკრებულოს განცხადებით მომართა ლესის ადმინისტრაციული ერთეულის მოსახლეობამ, რათა სოფლის ცენტრალურ გზას ეწოდოს სერგო ჯორბენაძის სახელი. პიროვნების, რომელიც დაიბადა და გაიზარდა სოფელ ლესაში - მანასე ჯორბენაძისა და ანასტასია კუნჭულის ოჯახში. სკოლის ფრიადოსანმა მოსწავლემ სწავლა გააგრძელა თბილისის სახელმწიფო უნივერსიტეტში, რომელიც წარჩინებით დაამთავრა 1948 წელს. მოსკოვის ლომონოსოვის სახელობის ასპირანტურის დამთავრების შემდეგ იგი შეუდგა სამეცნიერო მუშაობას. 1955 წელს აირჩიეს იურიდიული ფაკულტეტის სამოქალაქო სამართლის კათედრის გამგედ. 1963 წელს დაიცვა სადოქტორო დისერტაცია. 1956 წლიდან 1986 წლის ჩათვლით მუშაობდა თსუ - ის პრორექტორად სამეცნიერო მუშაობის დარგში. 1983 წელს სერგო ჯორბენაძემ მიიღო სახელმწიფო პრემია. ასევე 1988 - 1998 წლებში იყო საქართველოს მეცნიერებათა ეროვნული აკადემიის წევრ კორესპონდენტი. მას დიდი ღვაწლი მიუძღვის 1995 წლის საქართველოს კონსტიტუციის სამოქალაქო კოდექსის შექმნაში.

გიორგი ხელაძემ აღნიშნა, რომ სერგო ჯორბენაძე გარდაიცვალა 1998 წლის 4 აპრილს. დაკრძალულია მწერალთა და საზოგადო მოღვაწეთა დიდუბის პანთეონში. მას ეამაყება, რომ ასეთი ღირსეული პიროვნების სახელის მინიჭება გადაწყვიტა სოფლის მოსახლეობამ, რასაც გულწრფელად უერთდება, მხარს უჭერს და მიაჩნია, რომ ამ ნაბიჯით, კიდევ ერთ

მოკრძალებულ წვლილს შეიტანს მუნიციპალიტეტი ღირსეული მამულიშვილის სახელის უკვდავსაყოფად.

ია მოქიამ აღნიშნა, რომ მისასაღმებელია ასეთი ღირსეული ადამიანის სახელის უკვდავყოფა, რაც კომისიის ყველა წევრმა მოიწონა და დაუჭირა მხარი.

საკითხის ირგვლივ კომისიის წევრების მიერ შენიშვნები არ გამოთქმულა.

მომხრე 6; წინააღმდეგი არც ერთი.

დღის წესრიგის მესამე საკითხი: „ლანჩხუთის მუნიციპალიტეტის აკეთის ადმინისტრაციული ერთეულის სსიპ აკეთის საჯარო სკოლისთვის ზაზა ჩხაიძის სახელის მინიჭების შესახებ“ საკითხი სხდომას გააცნო საკრებულოს იურიდიულ საკითხთა და ეთიკის კომისიის თავმჯდომარემ **გიორგი ხელაძემ**, რომელმაც აღნიშნა, რომ საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის პირველი და მეორე ნაწილებისა და „საჯარო სკოლისათვის სახელის მინიჭების წესის დამტკიცების შესახებ“ საქართველოს განათლებისა და მეცნიერების მინისტრის 2007 წლის 16 მარტის N194 ბრძანების მე-2 მუხლის პირველი ნაწილის „ა“ ქვეპუნქტის და მე-4¹ მუხლის „ბ“ პუნქტის შესაბამისად, გაიცეს თანხმობა, სსიპ ლანჩხუთის მუნიციპალიტეტის სოფელ აკეთის საჯარო სკოლისთვის საქართველოს ტერიტორიული მთლიანობისთვის დაღუპული, ზაზა ჩხაიძის სახელის მინიჭებასთან დაკავშირებით.

დარეჯან ბურჭულაძემ აღნიშნა, რომ ზაზა ჩხაიძე მოხალისედ წავიდა ომში, იბრძოდა საქართველოს ტერიტორიული მთლიანობისთვის და თუნდაც ერთი დღე ებრძოლა, ის არის გმირი.

საკითხის ირგვლივ კომისიის წევრების მიერ შენიშვნები არ გამოთქმულა.

მომხრე 6; წინააღმდეგი არც ერთი.

დღის წესრიგის მეოთხე საკითხი: „ლანჩხუთის მუნიციპალიტეტის ნიგვზიანის ადმინისტრაციულ ერთეულში არსებული ქუჩისთვის ამბროსი აფხაზავას სახელის მინიჭების შესახებ“ ისაუბრა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის თავმჯდომარემ **გიორგი ხელაძემ** და განაცხადა, რომ იურიდიულ საკითხთა და ეთიკის კომისიას დაეწერა ნიგვზიანის ადმინისტრაციული ერთეულის მაჟორიტარი დეპუტატისა და საკრებულოს თავმჯდომარის, **ბესიკ ტაბიძის** ინიციატივა, რომელიც ითხოვს, რომ ნიგვზიანის ადმინისტრაციულ ერთეულში არსებულ ქუჩას ეწოდოს ამბროსი აფხაზავას

სახელი, ადამიანის, რომელიც დაიბადა 1911 წლის 10 აპრილს სოფელ ნიგვზიანში. 1925 წელს დაამთავრა ნიგვზიანის 7-წლედ, შემდეგ კი სწავლა განაგრძო ქ. ფოთის მელიორაციის ტექნიკუმში, რომელიც დაამთავრა 1929 წელს. 1949 წელს დაამთავრა თბილისის სახელმწიფო უნივერსიტეტის ფიზიკა-მათემატიკის ფაკულტეტის სრული კურსი მათემატიკის სპეციალობით. უნივერსიტეტის დამთავრების შემდეგ იგი შეუდგა მუშაობას ლანჩხუთის რაიონის ნიგვზიანის საშუალო სკოლაში მათემატიკის მასწავლებლად და 1948 წლის ჩათვლით იყო რაიონის წარჩინებული პედაგოგი. ამბროსი აფხაზავამ დიდი წვლილი შეიტანა სოფლის ახალგაზრდობის სწავლა-განათლების საქმეში, კერძოდ, არ დარჩენილა სოფელში მცხოვრები ოჯახი, საიდანაც დამამთავრებელი კლასის მოსწავლე არ მოემზადებინოს მათემატიკაში, ყოველგვარი ანგარების გარეშე, რითაც ის სოფლის მოსახლეობის უდიდეს პატივისცემას იმსახურებდა. მას მიღებული აქვს მედლები „ზურგში მამაცობისათვის“, ასევე სიგელი „ხანგრძლივი და ნაყოფიერი მუშაობისათვის“. იგი გარდაიცვალა 1987 წელს.

კომისიის ყველა წევრმა მოიწონა და მხარი დაუჭირა აღნიშნული საკითხის დადებითად გადაწყვეტას.


საკითხის ირგვლივ კომისიის წევრების მიერ შენიშვნები არ გამოთქმულა.

მომხრე 6; წინააღმდეგი არც ერთი.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს „იურიდიულ

საკითხთა და ეთიკის“ კომისიის თავმჯდომარე



/გიორგი ხელაძე/

ლანჩხუთის მუნიციპალიტეტის საკრებულოს
„იურიდიულ საკითხთა და ეთიკის“ კომისიის N 6 სხდომის
დასკვნა

ლანჩხუთი

22. 05. 2023 წელი.

2023 წლის 5 მაისს მოწვეულ იქნა ლანჩხუთის მუნიციპალიტეტის საკრებულოს „იურიდიულ საკითხთა და ეთიკის“ კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ლანჩხუთის მუნიციპალიტეტის საკუთრებაში არსებული უძრავი ქონების სარგებლობის უფლებით მიმღები პირების, ხელშეკრულებით ნაკისრი ვალდებულებების დარღვევისათვის დაკისრებული პირგასამტეხლოსგან გათავისუფლებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.
2. „ლანჩხუთის მუნიციპალიტეტის ლესის ადმინისტრაციულ ერთეულში არსებული ცენტრალური ქუჩისთვის სერგო ჯორბენაძის სახელის მინიჭების შესახებ“.
3. „ლანჩხუთის მუნიციპალიტეტის აკეთის ადმინისტრაციული ერთეულის სსიპ აკეთის საჯარო სკოლისთვის ზაზა ჩხაიძის სახელის მინიჭების შესახებ“.
4. „ლანჩხუთის მუნიციპალიტეტის ნიგვზიანის ადმინისტრაციულ ერთეულში არსებული ქუჩისთვის ამბროსი აფხაზავას სახელის მინიჭების შესახებ“.

კომისიამ მიიღო გადაწყვეტილება:

დღის წესრიგის პირველი საკითხი: 1. „ლანჩხუთის მუნიციპალიტეტის საკუთრებაში არსებული უძრავი ქონების სარგებლობის უფლებით მიმღები პირების, ხელშეკრულებით ნაკისრი ვალდებულებების დარღვევისათვის დაკისრებული პირგასამტეხლოსგან გათავისუფლებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

2. წარმოდგენილი განკარგულების პროექტის დადებითად გადაწყვეტას კომისიის ყველა წევრმა ერთხმად დაუჭირა მხარი.

დღის წესრიგის მეორე საკითხი: 1. „ლანჩხუთის მუნიციპალიტეტის ლესის ადმინისტრაციულ ერთეულში არსებული ცენტრალური ქუჩისთვის სერგო ჯორბენაძის სახელის მინიჭების შესახებ“.

2. წარმოდგენილი საკითხის დადებითად გადაწყვეტას კომისიის ყველა წევრმა ერთხმად დაუჭირა მხარი.

დღის წესრიგის მესამე საკითხი: 1. „ლანჩხუთის მუნიციპალიტეტის აკეთის ადმინისტრაციული ერთეულის სსიპ აკეთის საჯარო სკოლისთვის ზაზა ჩხაიძის სახელის მინიჭების შესახებ“.

2. წარმოდგენილი საკითხის დადებითად გადაწყვეტას კომისიის ყველა წევრმა ერთხმად დაუჭირა მხარი.

დღის წესრიგის მეოთხე საკითხი: 1. „ლანჩხუთის მუნიციპალიტეტის ნიგვზიანის ადმინისტრაციულ ერთეულში არსებული ქუჩისთვის ამბროსი აფხაზავას სახელის მინიჭების შესახებ“.

2. წარმოდგენილი საკითხის დადებითად გადაწყვეტას კომისიის ყველა წევრმა ერთხმად დაუჭირა მხარი.

ლანჩხუთის მუნიციპალიტეტის საკრებულოს
„იურიდიულ საკითხთა და ეთიკის“



კომისიის თავმჯდომარე:



გიორგი ხელაძე

ლანჩხუთის მუნიციპალიტეტის საკრებულოს "იურიდიულ საკითხთა და ეთიკის"
კომისიის წევრთა დასწრების სარეგისტრაციო ფურცელი

22.05.2023 წელი
16:00 საათი

	სახელი, გვარი	გამოცხადების დრო	ხელმოწერა
1	გიორგი ხელაძე	15:50	
2	ია მოქია	15:57	
3	კახაბერ ასკურავა	ახ ეხმეობდა	საქსოპო პიზეზიო
4	მაკა მშვიდლობაძე	15:55 წმ.	მ. მშვიდლობაძე
5	კარლო წილოსანი	15:57	კ- წილოსანი
6	ნინო მშვიდლობაძე	15:50	ნ. მშვიდლობაძე
7	დარეჯან ბურჭულაძე	15:58	დ. ბურჭულაძე